

人
物
类

1. 帝王部

定之方中

定之方中，作于楚宫。
揆之以日，作于楚室。
树之榛栗，椅桐梓漆，
爰伐琴瑟。

升彼虚矣，以望楚矣。
望楚与堂，景山与京。
降观于桑，卜云其吉，
终然允臧。

灵雨既零，命彼倌人。
星言夙驾，说于桑田。
匪直也人，秉心塞渊，
騂牝三千。

《诗经·邶风》

鸛之奔奔

鸛之奔奔，鸛之强强。
人之无良，我以为兄。
鸛之强强，鸛之奔奔。
人之无良，我以为君！

《诗经·邶风》

庭燎

夜如何其？夜未央，
庭燎之光。君子至止。
鸾声将将。

夜如何其？夜未艾。
庭燎晰晰。君子至止。
鸾声哕哕。

夜如何其？夜乡晨。

庭燎有辉。君子至止，
言观其旂。

《诗经·小雅》

裳裳者华

裳裳者华，其叶湑兮。
我靓之子，我心写兮。
我心写兮，是以有誉处兮。
裳裳者华，芸其黄矣。
我靓之子，维其有章矣。
维其有章矣，是以有庆矣。
裳裳者华，或黄或白。
我靓之子，乘其四骆。
乘其四骆，六轡沃若。
左之左之，君子宜之。
右之右之，君子有之。
惟其有之，是以似之。

《诗经·小雅》

瞻彼洛矣

瞻彼洛矣，维水泱泱。
君子至止，禄福如茨。
韎韐有爽，以作六师。
瞻彼洛矣，维水泱泱。
君子至止，韎韐有珌。
君子万年，保其家室。

瞻彼洛矣，维水泱泱。
君子至止，福禄既同。
君子万年，保其家邦。

《诗经·小雅》

苑柳

有苑者柳，不尚息焉。
上帝甚蹈，无自暱焉。
俾予靖之，后予极焉。
有苑者柳，不尚惕焉。
上帝甚蹈，无自瘵焉。
俾予靖之，后予迈焉。
有鸟高飞，亦傅于天。
彼人之心，于何其臻。
曷予靖之，居以凶矜。

《诗经·小雅》

文王有声

文王有声，遘骏有声。
遘求厥宁，遘观厥成。
文王烝哉。
文王受命，有此武功。
既伐于崇，作邑于丰。
文王烝哉。
筑城伊湫，作丰伊匹。
匪棘其欲，遘追来孝。

王后烝哉。

王公伊濯，维丰之垣。

四方攸同，王后维翰。

王后烝哉。

丰水东注，维禹之绩。

四方攸同，皇王维辟。

皇王烝哉。

镐京辟雍，自西自东。

自南自北，无思不服。

皇王烝哉。

考卜维王，宅是镐京。

维龟正之，武王成之。

武王烝哉。

丰水有芑，武王岂不仕。

诒厥孙谋，以燕翼子。

武王烝哉。

《诗经·大雅》

黍苗

芄芄黍苗，阴雨膏之。

悠悠南行，召伯劳之。

我任我辈，我车我牛。

我行既集，盖云归哉。

我徒我御，我师我旅。

我行既集，盖云归处。

肃肃谢功，召伯营之。

烈烈征师，召伯成之。

原隰既平，泉流既清。

召伯有成，王心则宁。

《诗经·小雅》

酌

於铄王师，

遵养时晦。

时纯熙矣，

是用大介。

我龙受之。

跼蹐王之造，

载用有嗣，

实维尔公允师。

《诗经·周颂》

赉

文王既勤止，我应受之。

敷时绎思，我徂维求定。

时周之命，於绎思。

《诗经·周颂》

上灵州令狐相公

征蛮破虏汉功臣，

提剑归来万里身。

笑倚凌烟金柱看，
形容憔悴老于真。
唐·李洞《全唐诗》

比干传

昏王亡国岂堪陈，
只见明诚不见身。
想得先生也知自，
欲将留与后来人。
唐·贯休《全唐诗》

过怀王墓

咿嚤不可信，似此败怀王。
客死晓关路，返葬峡江阳。
啼猿抱山月，饥狐猎野霜。
一闻怀沙事，千载尽悲凉。
唐·张说《全唐诗》

始皇陵下作

千金买鱼灯，泉下照狐兔。
行人上陵过，却吊扶苏墓。
累累圜中物，多于养生具。
若使山可移，应将秦国去。
舜殁虽在前，今犹未封树。
唐·曹邺《全唐诗》

玄宗挽歌

律历千年会，车书万里同。
固期常戴日，岂意厌观风。
地惨新疆理，城摧旧战功。
山河万古壮，今夕尽归空。
唐·郑丹《全唐诗》

挽王中丞

司马台前列柏高，
风云犹自夹旌旄。
属镂不是君王意，
莫作胥江万里涛。
幕府高临碣石开，
蓟门丹旌重徘徊。
沙场入夜多风雨，
人见亲提铁骑来。

明·李攀龙《明诗别裁集》

住谷城之明日，谨以斗
酒、牛膏、合琵琶三十二
弦侑祭于西楚霸王之墓

(其一)

江东馀子老王郎，
来抱琵琶哭大王。

如我文章遭鬼击，
嗟渠身手竟天亡。
谁删本纪翻迁史？
误读兵书负项梁。
留部瓠芦汉书在，
英雄成败太凄凉。

(其二)

秦人天下楚人弓，
枉把头颅赠马童。
天意何曾袒刘季，
大王失计恋江东。
早摧函谷称西帝，
何必鸿门杀沛公？
徒纵咸阳三月火，
让他娄敬说关中。

(其三)

黄土心香一掬尘，
英雄儿女共沾巾。

生能白版为天子，
死剩乌江一美人。
壁里沙虫亲子弟，
烹来功狗旧君臣。
戚姬脂粉虞姬血，
一样君恩不庇身。

清·王昙《烟霞万古楼诗集》

乌江项王庙

云旗庙貌拜行人，
功罪千秋问鬼神。
剑舞鸿门能赦汉，
船沉巨鹿竟亡秦。
范增一去无谋主，
韩信原来是逐臣。
江上楚歌最哀怨，
招魂不独为灵均。

清·严遂成《海珊诗》

2. 皇室部

访落

访予落止，率时昭考。
於乎悠哉，罔未有艾。
将予就之，继犹判涣。
维予小子，未堪家多难。
绍庭上下，陟降厥家。
休矣皇考，以明保其身。

《诗经·周颂》

田光先生

自古皆有死，徇义良独稀。
奈何燕太子，尚使田光疑。
伏剑诚已矣，感我涕沾衣。

唐·陈子昂《全唐诗》

燕太子

秦王日无道，太子怨亦深。
一闻田光义，匕首赠千金。
其事虽不立，千载为伤心。

唐·陈子昂《全唐诗》

燕昭王

南登碣石坂，遥望黄金台。
丘陵尽乔木，昭王安在哉。
霸图怅已矣，驱马复归来。

唐·陈子昂《全唐诗》

行宫

寥落古行宫，宫花寂寞红。

白头宫女在，闲坐说玄宗。

唐·元稹《全唐诗》

宫词

教遍宫娥唱尽词，
暗中头白没人知。
楼中日日歌声好，
不问从初学阿谁。

唐·王建《全唐诗》

官人斜

几多红粉委黄泥，
野鸟如歌又似啼。
应有春魂化为燕，
年来飞入未央栖。

唐·雍裕之《全唐诗》

官人斜

离宫路远北原斜，
生死恩深不到家。
云雨今归何处去，
黄鹂飞上野棠花。

唐·窦巩《全唐诗》

三闾大夫

三闾一去湘山老，
烟水悠悠痛古今。
青史已书殷鉴在，
词人劳咏楚江深。
竹移低影潜贞节，
月入中流洗恨心。
再引离骚见微旨，
肯教渔父会升沉。

唐·刘威《全唐诗》

醉垂鞭

双蝶绣罗裙。
东池宴。初相见。
朱粉不深匀。闲花淡淡春。
细看诸处好。
人人道。柳腰身。
昨日乱山昏。来时衣上云。

又

赠琵琶娘，年十二

朱粉不须施。

花枝小。

春偏好。

娇 妙近胜衣。

轻罗红雾垂。

琵琶金画凤。

双绦重。倦眉低。

啄木细声迟。黄蜂花上飞。

宋·张先《全宋词》

宫 词

凉殿吹笙露满天，

木犀花发月初圆。

君王少御珊瑚枕，

多就宫人玉臂眠。

一夜秋风入碧梧，

蝉声永巷月华孤。

几回梦里羊车过，

又是银床转轳轳。

宋·刘克庄《宋诗钞补》

〔双调〕寿阳曲·厌纷

离京邑，出凤城，

山林中隐名埋姓。

乱纷纷世事不欲听，

倒大来耳根清静。

元·李爱山《全元散曲》

隋 宫

谷洛通淮日夜流，

渚荷宫树不曾秋。

十年仕女河边骨，

一笑君王镜里头。

月下虹霓生水殿，

天中丝管在迷楼。

繁华往事千沟外，

风起杨花无那愁。

清·陈恭尹《清诗别裁集》

3. 妃姬部

何彼裵矣

何彼裵矣？唐棣之华。
曷不肃雝，王姬之车。

何彼裵矣？华如桃李。
平王之孙，齐侯之子。

其钓维何？维丝伊缡。
齐侯之子，平王之孙。

《诗经·召南》

君子偕老

君子偕老，副笄六珈。
委委佗佗，如山如河。
象服是宜。

子之不淑，云如之何？

玼兮玼兮，其之翟也。

鬓发如云，不屑鬢也。
玉之璫也，象之撝也，
扬且之皙也。
胡然而天也，胡然而帝也！

嗟兮嗟兮！其之展也。
蒙彼绉絺，是继袷也。
子之清扬，扬且之颜也。
展如之人兮，邦之媛也。

《诗经·邶风》

硕人

硕人其颀，衣锦褰衣。
齐侯之子，卫侯之妻，
东宫之妹，邢侯之姨，
谭公维私。

手如柔荑，肤如凝脂，
领如蝤蛴，齿如瓠犀，

螭首蛾眉，巧笑倩兮，
美目盼兮。

硕人敖敖，说于农郊。
四牡有骄，朱幘纚纚。
翟裼以朝。大夫夙退，
无使君劳。

河水洋洋，北流活活。
施罟濊濊。鲿鲋发发。
葭莼揭揭。庶姜孽孽。
庶士有暵。

《诗经·卫风》

李夫人歌

是耶？非耶？
立而望之，
翩何姗姗其来迟。

汉·刘彻《全汉三国晋
南北朝诗》

昭君辞

朝发披香殿，夕济汾阴河。
于兹怀九逝，自此敛双蛾。
沾妆如湛露，绕脸状流波。
日见奔沙起，稍觉转蓬多。
胡风犯肌骨，非直伤绮罗。
衔涕试南望，关山郁嵯峨。

始作阳春曲，终成苦寒歌。
惟有三五夜，明月暂经过。

梁·沈约《全汉三国晋
南北朝诗》

咏王昭君

垂罗下椒阁，举袖拂胡尘。
唧唧抚心叹，蛾眉误杀人。

梁·施荣泰《全汉三国晋
南北朝诗》

昭君怨

合殿恩中绝，交河使渐稀。
肝肠辞玉辈，形影向金微。
汉地草应绿，胡庭沙正飞。
愿逐三秋雁，年年一度归。

唐·卢照邻《全唐诗》

王昭君

敛容辞豹尾，缄怨度龙鳞。
金铄明汉月，玉箸染胡尘。
妆镜菱花暗，愁眉柳叶颦。
唯有清笳曲，时闻芳树春。

唐·骆宾王《全唐诗》

王昭君

非君惜鸾殿，非妾妒蛾眉。
薄命由骄虏，无情是画师。
嫁来胡地日，不并汉宫时。
心苦无聊赖，何堪上马辞。

唐·沈佺期《全唐诗》

息夫人

莫以今时宠，
难忘旧日恩。
看花满眼泪，
不共楚王言。

唐·王维《全唐诗》

息夫人

可怜楚破息，肠断息夫人。
仍为泉下骨，不作楚王宾。
楚王宠莫盛，息君情更亲。
情亲怨生别，一朝俱杀身。

唐·宋之问《全唐诗》

昭君墓

汉宫岂不死，异域伤独没。
万里驮黄金，蛾眉为枯骨。
回车夜出塞，立马皆不发。
共恨丹青人，坟上哭明月。

唐·常建《全唐诗》

西施咏

艳色天下重，西施宁久微。
朝仍越溪女，暮作吴宫妃。
贱日岂殊众，贵来方悟稀。
邀人傅香粉，不自着罗衣。
君宠益娇态，君怜无是非。
当时浣纱伴，莫得同车归。
持谢邻家子，效颦安可希。

唐·王维《全唐诗》

骊姬墓

骊姬北原上，闭骨已千秋。
浚水日东注，恶名终不流。
献公恣耽惑，视子如仇雠。
此事成蔓草，我来逢古丘。
峨眉山下月，蟬鬓野云愁。
欲吊二公子，横汾无轻舟。

唐·岑参《全唐诗》

玉真公主歌

(二首录一)

常言龙德本天仙，
谁谓仙人每学仙。
更道玄元指李日，
多于王母种桃年。

唐·高适《全唐诗》

越女

越女作桂舟，还将桂为楫。
湖上水渺漫，清江不可涉。
摘取芙蓉花，莫摘芙蓉叶。
将归问夫婿，颜色何如妾？

唐·王昌龄《全唐诗》

王昭君

一回望月一回悲，
望月月移人不移。
何时得见汉朝使，
为妾传书斩画师。

唐·崔国辅《全唐诗》

王昭君二首

(其一)

昭君拂玉鞍，上马啼红颊。
今日汉宫人，明朝胡地妾。

(其二)

汉家秦地月，流影照明妃。
一上玉关道，天涯去不归。
汉月还从东海出，
明妃西嫁无来日。
燕支长寒雪作花，
蛾眉憔悴没胡沙。
生乏黄金枉图画，
死留青冢使人嗟。

唐·李白《全唐诗》

西施

西施越溪女，出自苧萝山。
秀色掩今古，荷花羞玉颜。
浣纱弄碧水，自与清波闲。
皓齿信难开，沉吟碧云间。
勾践征绝艳，扬娥入吴关。
提携馆娃宫，杳渺讵可攀。
一破夫差国，千秋竟不还。

唐·李白《全唐诗》

上元夫人

上元谁夫人，偏得王母娇。
嵯峨三角髻，余发散垂腰。
裘披青毛锦，身着赤霜袍，
手提羸女儿，闲与风吹箫。
眉语两自笑，忽然随风飘。

唐·李白《全唐诗》

浣纱石上女

玉面耶溪女，青娥红粉妆。
一双金齿屐，两足白如霜。

唐·李白《全唐诗》

越女词五首

东阳素足女，会稽素舸郎。
相看月未堕，白地断肝肠。
镜湖水如月，耶溪女似雪。
新妆荡新波，光景两奇绝。
长干吴儿女，眉目艳新月。
屐上足如霜，不着鸦头袜。
吴人多白皙，好为荡舟剧。
卖眼掷春心，折花调行客。
耶溪采莲女，见客棹歌回。

笑入荷花去，佯羞不出来。

唐·李白《全唐诗》

丽人行

三月三日天气新，
长安水边多丽人。
态浓意远淑且真，
肌理细腻骨肉匀。
绣罗衣裳照暮春，
蹙金孔雀银麒麟。
头上何所有？
翠为钗叶垂鬓唇。
背后何所见？
珠压腰极稳称身。
就中云幕椒房亲，
赐名大国虢与秦。
紫驼之峰出翠釜，
水精之盘行素鳞。
犀箸厌饫久未下，
鸾刀缕切空纷纶。
黄门飞鞚不动尘，
御厨络绎送八珍。
箫鼓哀吟感鬼神，
宾从杂沓实要津。
后来鞍马何逡巡，
当轩下马入锦茵。
杨花雪落覆白蘋，
青鸟飞去衔红巾。

炙手可热势绝伦，
慎莫近前丞相嗔！

唐·杜甫《全唐诗》

故郭婉仪挽歌

一日辞秦镜，千秋别汉宫。
岂唯泉路掩，长使月轮空。
苦色凝朝露，悲声切暝风。
婉仪余旧德，仍载礼经中。

唐·司空曙《全唐诗》

湘夫人

蛾眉对湘水，遥哭苍梧山。
万乘既已殁，孤舟谁忍还。
至今楚竹上，犹有泪痕斑。
南有潇湘路，渺渺多新愁。
桂酒神降时，风波江上秋。
彩云忽无处，碧水空安流。

唐·郎士元《全唐诗》

夜闻歌者

夜泊鹦鹉洲，秋江月澄澈。
邻船有歌者，发词堪愁绝。
歌罢继以泣，泣声通复咽。
寻声见其人，有妇颜如雪。
独倚帆樯立，娉婷十七八。

夜泪如真珠，双双堕明月。
借问谁家妇，歌泣何凄切？
一问一沾襟，低眉终不说。

唐·白居易《全唐诗》

王昭君

满面胡沙满鬓风，
眉销残黛脸销红。
愁苦辛勤憔悴尽，
如今却似画图中。

唐·白居易《全唐诗》

题真娘墓

佛地葬罗衣，孤魂此是归。
舞为蝴蝶梦，歌谢伯劳飞。
翠发朝云在，青蛾夜月微。
伤心一花落，无复怨春辉。

唐·张祜《全唐诗》

与歌童田顺郎

天下能歌御史娘，
花前叶底奉君王。
九重深处无人见，
分付新声与顺郎。

唐·刘禹锡《全唐诗》

湘妃

筠竹千年老不死，
长伴秦娥盖湘水。
蛮娘吟弄满寒空，
九山静绿泪花红。
离鸾别凤烟梧中，
巫云蜀雨遥相通。
幽愁愁气上青枫，
凉夜波间吟古龙。

唐·李贺《全唐诗》

贝宫夫人

丁丁海女弄金环，
雀钗翘揭双翅关。
六宫不语一生闲，
高悬银榜照青山。
长眉凝绿几千年，
清凉堪老镜中鸾。
秋肌稍觉玉衣寒，
空光帖妥水如天。

唐·李贺《全唐诗》

李夫人歌

紫皇宫殿重重开，
夫人飞入琼瑶台。

绿香绣帐何时歇，
青云无光宫水咽。
翩联桂花坠秋月，
孤鸾惊啼商丝发。
红壁阑珊悬佩珰，
歌台小妓遥相望。
玉蟾滴水鸡人唱，
露华兰叶参差光。

唐·李贺《全唐诗》

西施

家国兴亡自有时，
吴人何苦怨西施。
西施若解倾吴国，
越国亡来又是谁？

唐·罗隐《全唐诗》

王昭君

毛延寿画欲通神，
忍为黄金不顾人。
马上琵琶行万里，
汉宫长有隔生春。

唐·李商隐《全唐诗》

懿安皇太后挽歌词

陵前春不尽，陵下夜何穷。